

SCRIPT OF MORNING GOJRI NEWS BULLETIN 18MAR 2025 1015HRS

مارننگ گوجری نیوز بولٹن 18 مارچ 2025

یوہ آکاشوانی جموں ہے جاوید اقبال تیں خبر سُنو۔

LG MSME

لیفٹیننٹ گورنر منوج سنہا نے آئی سی سی جموں کی طرفوں منعقد نکا تے درمیانہ درجہ غا کاروباری کنکلیو ۲ ہزار ۵۲ نانہہ خطاب کیو اپنا اس خطاب مانہہ جناب سنہا نے کہیو جے بھارتیہ سرکار جموں کشمیر مانہہ صنعتی باہدہ نانہہ ہر ممکن امداد و تعاون فراہم کرن غی وعدہ بند ہے۔ اس موقعہ ور لیفٹیننٹ گورنر منوج سنہا نے کاروباری افراد سرمایہ کاراں اناں کاراں صنعت غا رہنما تے تجربہ کاراں انہہ نکا تے درمیانہ درجہ غا کاروبار سیکٹر مانہہ باہدہ گا فروغ دین غو خیر مقدم کیو۔ ایل جی موصوف نے مزید کہیو جے مسائل نانہہ تعمیر انداز مانہہ حل کرن غا اقدام چایا گیا ایں تے اس گو مقصد جموں کشمیر مانہہ کاروباری مہارت تے روزگار پیدا کرن غا مرکز غا طور ور قائم کرنو ہے۔

DY CM VIST

نائب وزیر اعلیٰ سریندر چودھری نے کل جاری ترقیاتی منصوباں غی پیش رفت غو جائیزو لین واسطے ہڈیاں تے جوڑان غا ہسپتال برزولہ سرینگر غو اک وسیع دورو کیو۔ اس دورہ غو مقصد بنیادی ڈھانچہ غا اکلیدی کماں غو جائیزو لینو تے صحت عامہ غی خدمات نانہہ ولے سر یقینی بنانو ہے۔ اس دورہ غے دوران نائب وزیر اعلیٰ نے نئی تعمیر شدہ ہسپتال غی عمارت غو معائینو کیو لوکاں غی بدھتی طبی ضرورت نانہہ پورو کرن واسطے جدید صحت غی دیکھبال غا بنیادی ڈھانچہ غی اہمیت ور زور دتو۔

DEMAND FOR GRANTS

خوراک سول سپلائیز تے امور صورفین غا وزیر ستیش شرما نے جموں کشمیر غا اتمام ۰۲ ضلعاں مانہہ ۶۱ سو نوی مناسب قیمت غی دکان کھولن غو اعلان کیو ہے اُنہاں نے ایوان غا منتخب ممبراں نانہہ مشورو دتو جے ویں اپنا حلقاں مانہہ مناسب قیمت غی دکاناں غی ضرورت ور نظر چاٹانی کریں تانجے مستحق علاقاں غی نشاندہی کی جاسکے۔ وزیر موصوف جہیڑا محکمہ ٹرانسپورٹ سائنس تے ٹیکنالوجی اطلاعات نوجوان خدمات تے سپورٹس اے۔ آر۔ آئی تے ٹریننگ غا انچارج وی ایں قانون ساز اسمبلی مانہہ سال ۲ ہزار ۶۲۔۵۲ چارج گے تحت محکماں لئی گرانٹس غی مطالبات ور اسمبلی مانہہ بحث غو جواب دے رپیا تھالوزیر موصوف نے یوہ وی اعلان کیو جے اگلا تعلیمی سیشن یعنی ۲ ہزار ۶۲۔۵۲ تیں بی او پی ای ای غے زریعے مختلف پیشہ وارانہ کورسز مانہہ داخلہ واسطے ای۔ کونسلنگ نظام نانہہ اپنایو جائے گو۔

CS TB

چیف سیکرٹری اٹل ڈلو نے گزشتہ تہاڑے اک اعلیٰ سطح میٹنگ غی سدارت کی بہمیٹنگ محکمہ صحت غی طرفوں منعقد ٹی بی مکت مہم غی پیش رفت وی تھی اس اعلیٰ سطحی میٹنگ مانہہ جناب ڈلو نے ٹی بی مہم غی پیش رفت غ و جائیزو لیو جموں مانہہ تپ دق غ امته

واقعہ ٹی بی غ ابدھتا معاملوں ور نوٹس لیتا واں اُنہاں نے اس موجودہ صورتحال نانہہ اتشویش غی اصل وجہ قرار دتو تے اس مرض سنگ موثر طریقہ نال نمڑن واسطے ساختہ حکمت عملہ غی ضرورت ور زور دتو چیف سیکرٹری نے کہیو جے زمینی سطح ور ٹی بی معاملوں مانہہ کمی ظاہی ہونی چاہیے اُنہاں نے ٹی بی غ اخاتمہ غی مہم گے زریوے حاصل ہون آلو فائداں غی مناسب دستاویز ور زور دتو اُنہاں نے پنچائیتاں مانہہ ٹی بی فری پنچائیت اعلان کرن تے اس سلسلہ مانہہ ۰۰۱ تہاڑا ٹی بی خاتمہ مہم چلان تے اس ضمن مانہہ مناسب دستاویزات اپنان ور زور پایو۔

CLIMATE RES STATION

ڈپٹی کمشنر سلونی رائے نے اج تحصیل چینی غ اگراں منڈلوٹ نتھیٹاپ مانہہ جاری موسمی تحقیقاتی مرکز غا کم غو معائینو کیو اس غے نال ہی اُنہاں نے پتئی ٹاپ مانہہ مجوزہ پارکنگ سہولت غو وی جائیزو لیوننتھاٹاپ مانہہ موسمی تحقیقاتی مرکز غا کم غی پیش رفت غو معائینو کرتا واں ڈپٹی کمشنر نے متعلقہ افسراں نانہہ ہدایت دتی کہ اس منصوبہ غی قریب تیں نگرانی کریں تے باقاعدہ معیار غی جانچ کریں تانجے کم وقت ور مکمل وے۔ اُنہاں نے اس گل ور زور دتو کہ کم غی رفتار نانہہ تیز کیو جے لیکن معیار ور کوئی سمجھوتو نہ کیو جے۔ بعد مانہہ ڈپٹی کمشنر نے متعلقہ محکماں انہہ ہدایت کی جے، سیاحاں تے زائرین غی سہولت واسطے پتئی ٹاپ مانہہ پارکنگ سہولت غا ترقیاتی کم نانہہ تیزی تیں مکمل کریں۔

PM-MKB

وزیر اعظم نریندرمو دی مُلک تے بیرون مُلک مانہہ رہ رہیا بھارتی شہریاں سنگ آئندہ 30 ما رچ نانہہ آکا ش وانی ور من کی با ت پروگرام غا اپنا ماہانہ وار پروگرام مانہہ اپنا خیالات سانجہ کریں گا۔ یا ماہانہ وار پروگرام غی ۰۲۱ ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علا وہ نریندرمو دی ایپ یاہ فر مائی گوو

اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن لائن مو بائل ایپ ور نشر تے ٹیلی کاسٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جائے گو۔ آکا ش وانی اس پروگرام نانہہ ہندی نشریات تیں فوراً بعد علاقائی زبانان مانہہ وی نشر کرے گو۔
